

國家圖書館藏歷史檔案文獻叢刊

方恪敏公奏議

第5冊

全國圖書館文獻縮微複製中心

國家圖書館藏歷史檔案文獻叢刊

方恪敏公奏議

第 5 冊

全國圖書館文獻縮微複製中心

乾隆十六年五月初二日奏摺一件



奏為



奏明事本年四月內欽奉

上諭直隸布政使員缺著玉麟補授按察使員缺著
永寧調補欽此欽遵在案查玉麟現與恒文交代
應即接任視事而永寧有江蘇布政使交代來

直尚需時日現在直隸按察司印務臣查有清
河道宋宗元近在同城可以委其暫行署理為

此恭摺

奏明伏乞

皇上睿鑒謹

奏

旨知道了欽此
乾隆十六年五月初二日涿州奏奉

乾隆十六年五月初三日奏摺二件

奏爲奏

聞事竊查天津水師營議裁戰船十二隻拆卸運送

圓明園成造趕繒船八隻學習水撿一案前經臣

會同天津都統馬爾拜查明此項船隻一經拆

卸難以成造請將議拆之船即交江浙等省以

抵已屆拆造船數而以應行新造之船料另造
新船等因具

奏經軍機處議覆仍令照原議辦理又奉

旨令於六月初一日以前運至圓明園工程處欽此

欽遵隨分飭天津通永二道督率理事同知佟
海天津縣知縣侯珏通州知州唐倚衡等迅速

會同估計拆卸運送去後茲據該同知等稟稱
估計拆卸工匠價值并水陸運送腳費等項共
約需銀三千九百餘兩臣復查此項船隻拆運
需費已至四千兩之多而所得木料不及一半
之用且海船舊料為底為幫亦難任意改移如
有不敷又未便添用新料間雜成船况海船體

骨甚重即使改減成造於平湖止水之中亦殊
不適於用似不若酌定船樣就地取材即於天
津一帶購覓所有可以造船之木植運送

圓明園工程處排造新船八隻所需工匠如天津
本處者可用自屬甚便如必需南匠亦不過調
取數名帶領本處匠人便可施工應需費用先

於司庫閑欸銀內動撥辦理將議裁之大小趕
繒船十二隻或在天津本處或交閩省另籌變
價還項有餘不足臨時酌辦如此一為轉移帑
項既無多費而新料成船長短廣狹可以製造
合式臣與大學士公傳當面酌定如此辦理
庶為得宜為此恭摺奏

聞伏乞

皇上聖鑒訓示謹

奏

乾隆十六年五月初三日良鄉行在奏本日奉
旨依議欽此

奏為遵

旨議奏事竊查多倫諾爾設立鋪司一案前准軍機

大臣議覆尚書納延泰原奏以鋪司民人佔據

游牧請將房屋拆毀人民驅逐另設識清字之

蒙古遞送文移等因經臣將裁撤鋪司種種不

便請暫緩拆逐另行勘明查辦緣由恭摺具

奏續奉軍機大臣議覆令酌量地方情形秉公查
辦將此項舖司或應全撤或應酌減或應仍舊
存留務於蒙古游牧不致滋擾而地方公事亦
可無悞妥議具奏等因於乾隆十五年十二月

十八日奉

旨依議欽此臣隨欽遵轉行口北道吳煒赴察哈爾
總管地方會同秉公妥議去後茲據該道詳稱
遵於三月十九日前赴上渡河地方會同正藍
旗總管趙昌正白旗總管五十六鑲白旗總管
滾木查布等公同查得乾隆三年於添設多倫
諾爾同知案內經刑部等部理藩院議准在於

上渡河等處分設鋪司二十名遵照在案原設
鋪地俱在大路之旁相隔數十里始有一鋪本
於游牧無碍緣近年以來間有漢民於鋪司之
外添建坊店希圖獲利該處總管達錫等恐其
添建漸多侵佔牧地是以呈明理藩院尚書納

延泰

奏請拆逐另派蒙古代送公文亦屬清理游牧起
見但自設立舖司以來内外文移資其郵送遞
犯解餉藉以栖止即行旅商貨亦得有投託之
地可免盜竊之虞甚有益於官民並無碍於游
牧今若將房屋裁撤荒漠數百里之内一切公
務往來傳送栖託無所商賈貿易人等野宿多